

沈石田集

埽葉山房
石印

石田先生集

長洲沈 周啟南著

後學錢允治功甫校

陳仁錫明卿編

五言古二

舟中望虞山與吳匏菴同賦三篇

虞山我鄰壤欲往路非遙
比來無好抱風月虛春朝
茲藉嘉友興理舟訪岑峯
漸喜蒼翠近豁眼嵐霏消
上有古松杉落落旌幢標
其下見行人往來雜僧樵
我坐意亦馳豈伺雙屐超
何異謝康樂巫湖眺遠遨

登昭明讀書臺因訪徐辰翁丹井

遠秀目已遇復騁登高足
青山不嫌人所取隨我欲
巍巍古仙臺寂寂奠林麓
七檜交雲霞靈飈散清馥
崇臺轉磴道攀緣把傍竹
同行玉堂彦高咏應虛谷
逍遙東山風能去歌管俗
申紙驚連章謬圖附一幅
聊以志傾賞流傳亦何卜
或恐聞邦人有酒悔無逐

我田今有麥

我田今有麥。芄芄日滿城。灑露滋顏色。長茂及春晴。老少鉏其根。傍恐野草生。不恤勞力苦。自為口腹營。念彼饑餒民。對此喜先盈。不願秀兩岐。食新即為禎。

移榻西軒

舊榻處幽暗。耽睡固有因。移之置西軒。軒製煥以新。其地不函丈。虛明易知晨。東方動初陽。流光先枕衾。破我黑甜境。夙興自然勤。盥櫛能及時。亦足勸奴人。尚有清夜景。月出簷之唇。照書僅可讀。老目自不真。茲軒所助我。遲暮生精神。享此一息佳。嗒然遺我身。

石軸花

山行見石軸。黃紫大而華。一花合羣英。逕可半尺簷。團團綴末幹。兀兀無傍樞。或如冒綵跣。或如撐秋瓜。爛熳山谷間。仙人唾餘霞。性不利羊食。其生天所賒。躑躅本山榴。又以紅見誇。且致是非間。未暇披金沙。誰能別為名。美如紫易花。感茲在隱約。把玩令人嗟。姿容牡丹比。但未收姚家。蓬華困遺賢。荆布畏貞娃。取酒再酌之。下山西日斜。

端午謾書丁酉

周也渾哀憊奔波已不便親淹階上殯食仰水中田借貸煩親戚飢寒罪歲年
低頭搔白髻雪涕在青編憂患今如此聰明不及前私情吾自訟公急衆誰憐
凋瘵應傷骨劬勞不息肩趨文棄田稚隨例効庸錢違奪虛吾日號呼徹上天
誅求家百出政令月三遷簡靜高明度更張小諒權烏安求茂木魚樂奔深淵
流剝如為蠶搔驚孰任愆申商疑實際卓魯似徒傳青艾誰攻病紅葵他自妍
深居思俊德分贊仗諸賢莫以威嚴恃須知憂樂懸厭鬼求角黍與俗話蒲鞭
積雨殊傍矣浮雲亦黯然致嬰門限外此意向誰言

觀徐士亨所藏懷素自序真跡吳匏菴許摹寄速之

藏真儻蕩人草書如易耳義獻百世師擬步爭尺咫長驅並顛旭所至非易矣
筆勢酒發之將脫兵其指潛鋒在渾淪藏力於纖靡恍恍遲速間神妙出生死
心以禪觀通隨物得書旨風雲及虺蛇信筆變不止一筆備一變萬變萬象起
固足稱草聖多括類書史史遷嘗自序此作良有以汗漫逾千言燦爛連數紙
初祇記子美曾補龜玉毀山谷亦未見曾遭穆父鄙後人況肉眼狐鼠得疑似

喪亂七百年。天豈慙遺此。今日復何日。所遇亦天使。未能尋文讀。且以指畫几。
嘆羨及末卷。題識驚娓娓。名銜有十六。尚漏薛劉米。西臺與祁國。緒論甫先啟。
同叔相諾唯。公卷特詳紀。此輩推名流。逐逐到餘子。非惟致贊頌。流傳悉源委。
譬羣介輔賓。傳命以成禮。譬徵十朋龜。信吉無餘擬。季子前榻致。我詩系其尾。
南州前勒石。萬本播不已。不然此紙者。孤注安足倚。

嘲雨

雨澤之所至。千里為其方。其落萬萬注。河沙數微茫。方中高低田。多少落不當。
高者少莫潤。低者多廼殃。雖有利物名。功過不相償。落之徒勞勞。所怨亦穰穰。
何如一輪月。分影不可量。一處有一月。一月散千光。只譬一州城。萬人住中央。
一人一觴酒。一月照一觴。一觴吸一月。人醉月無傷。月自行中天。不驚亦不忙。
房杜昔為相。垂紳坐廟堂。天下屬默化。熙哉稱有唐。安石似道輩。瑣才事更張。
聚斂以為政。戕民隳宋綱。君子與小人。於焉觀否臧。我方坐雨厄。斐然成此章。

謝項郎中文祥寄笋脯

浙雨溢山藪。竹萌密無地。土人饗頡頏。腸胃當厭飫。吾蘇少其祖。數竿破俗藝。

有茁重免孫。豈敢屑盤飭。知味聊耳耳。僅免煮簞茹。愛我愛日翁。脯腊富裹寄。
蒸爚得火候。法製野衲治。新鮮色莫黯。纂纂玉縷脆。烘日不過燠。着鹽未多漬。
嘗之信清珍。吃棒元修避。余生本骨立。滋瘦忘所忌。客佳稍出供。薦茗聊三四。
還笑湖州饒。不管傷幼稚。聞君苦疾疾。日食不妨嗜。醫氏曾有說。性可消腸滯。
能分固知美。推已感念至。

答明公送椿芽

山僧藜藿腸。采拾窮野味。靈芽漆園種。新摘帶雨氣。鹽豉嫩綠愁。日曝微紺瘁。
裹紙聊搯許。珍重不多遺。仍傳所食法。且囑要精試。兼烹必雙井。水亦惠山二。
及云性益壽。甫與菖陽比。香甘流齒頰。食過發吁噫。山僧苦薄相。析此八千計。
本昧吾儒言。方長仁者忌。

過長蕩

發迹過長蕩。識此平生始。春流方漫衍。曠蕩彌十里。老葑蔽層雲。敷芽青擬擬。
正如一明鏡。黧蝕銅繡起。西山欲臨照。掩却螺髻美。山亦拗怒去。南走太湖洑。
羣勢擁疊浪。爭捷互排擠。我恐先我去。揮手喝止止。湖山四面好。轉側皆可喜。

此面正佳絕。扁舟載西子。芳洲有隙地。肯賣脫紫綺。移家非丹砂。所好在山水。
別友

青天一明月。白髮兩扁舟。各舟載一月。遂生離別愁。明月解隨人。人去月不留。
豈月管送行。今古長悠悠。道路東復西。行人幾時休。一月亦多忙。千方相應酬。
舉手謝明月。浩歌過吳洲。

湖上禱言

縱目極遐曠。水嬉湖中央。青山載白波。上下相低昂。俯首愛雲霞。零亂隨蘭漿。
悠悠遡空冥。忽忽超景光。宛宛漢臯女。落雁懸微茫。可望不可即。相思如水長。
和西厓閣老止詩詩韻

厓翁病煩詩。作詩告中止。畏影逃日中。說夢在夢裏。引戒自設難。譬嗜麴蘖子。
況和淵明篇。止酒情無喜。詩翁幹造化。萬象歛眉起。浩蕩天地間。固無滅象理。
顧自要播弄。操縱一由己。羣公罰雖嚴。魯盟已寒矣。云詹未卜屋。云至未及溪。
因止詩轉 請撤鷄酒祀

溪館小集

淵明叙飲酒漫行十七篇酒中有深趣微言不能宣有言亦為贅陶陶存性天
吾雖量不及淺深天各全諸君信醒醉無孤風月妍鳥哢庭前樹飛花墮餘筵
客去無所娛曲肱吾且眠

齒搖

當唇一齒齟將脫根槎枒棘舌妨噍食致憂豈去些動搖苦浮危軼出奈參差
疑口常沮枚比眼如礪沙山水失笑歌日夕存嘆嗟終知莫耐斷且怪久戀車
惜惜滋流涎數數撫斲槎欲拔涉梭誚希生聞樂賒聊存徒為耳卒去何快耶
大似狡酷吏作孽開公衙還如敗方子驚外莫安家但得噴一嚏迸落從谿硤
嚼肉補空竅呼酒洗豁厓掀髯捫其餘幾輩棲殘鴉作詩尚有告伴老行歲華
從邁勿以類留二學呂諤湖鄉堪養老鮮美多魚鰕

田家咏

久矣居畎畝邈如遺世人地靜習雖陋野意還自真怡怡晨夕間言笑諧四隣
有作相告戒鳥鳴知及春犁鋤假筋力竭勞供有身身在勞何息顧莫養精神
服氣能代粒希仙渺無津家業信難易樂以充堯民

其二

我畝蕪且瘠。我隴硤不平。發歲奮乃功。東作覲西成。捐捐低白頭。乘耒日經營。稅傭及時畢。辛苦勤王程。但餘林一斛。酒熟懽已盈。醉引畊田歌。不復忘高聲。願隨天風吹。吹達九重城。劉璋啟此調。千載遺令名。

廿五夜戀歲

與歲別在邇。五日即告終。三百六十日。漫過亦匆匆。餘此知莫留。頃忽迅飄風。譬若杯酒闌。客散堂欲空。強爾拉老兵。徘徊乏懽悰。把筆構短篇。燈前擁衰翁。衰翁類歲事。微吟搔鬢蓬。

其二

行行歲步止。窮冬以為期。此地知必及。如料封德彝。三時頗舒長。杪序何倏馳。天道本忌盈。代者亦相追。愔愔迎新節。拜賀集羣兒。老抱殊默感。兒童安得知。

感興

世路多屈曲。拙夫妨直行。勉欲就此軌。未忍枉平生。不如且裹足。靜坐羣慮清。莫顧蠻與觸。了不知紛爭。莫辯夔與蛟。多少亦自平。持杯洗浮雲。太虛極高明。

貧富吟

貧富限世分。高下莫均一。富者說潤屋。餘潤及銘革。貧非止赤身。裸死至無聖。苟云可揉致。智士豈無術。冥然觀無物。二者何得失。

方水雲過竹居

翩然學仙子。浮遊大江東。落落三年間。始喜一載逢。皎皎衣白葛。戔戔戴芙蓉。造我修竹下。自開床頭甕。一笑歌杯酌。次揚聲動冷風。勸我事至道。玄默與天通。欲學知不易。哀顏無故紅。明朝返笙鶴。無方追往踪。

別岩天道院

琳館愜清賞。樓居俯城陰。高竹間喬柯。幽然自山林。我本草澤士。不諧市俗心。能來弗緣招。忽去亦莫尋。翩翩拂雙袖。孤雲渺秋岑。

題梅贈友

芳姿軼美姝。皎服臨崑山。植玉以為體。含貞心獨幽。明珠落佩纓。顧盼輝光流。豈無桃李蹊。捷徑非所遊。君子貴有後。結實在良時。懷寶恥自獻。同馨當有求。

擬一日復一日

一日復一日。一朝復一朝。青春不用推。白髮不待招。漸見穉者大。還催大輩凋。借問學仙侶。此關果誰超。神仙本冥冥。其言亦寥寥。獨有姬孔業。天地同遙遙。

擬昨日一花開

昨日一花開。今日一花開。但遇有花日。酒到不敢推。花亦勸我飲。飄落手中杯。未盡昨日懽。今日還復來。富貴不如花。時去無載回。君不見昨日一花開。今日一花開。

君子堂讌集分得上字

高堂俯闌闌。所喜得虛敞。門內除塵襪。幽然山林想。左右饒茂木。朝禽度幽響。雨至微風俱。況時當長養。朋從非一方。各各慕義往。揖讓禮數周。言談情慨慷。主人金閨彥。忘形尚吾黨。探詩侑深酌。請火繼嘉賞。咏歌清化間。允著太平象。雖有東封書。懷哉不須上。

齋居燕坐

齋居過雨淨。燕坐意良愜。習習風吹襟。飲酒獨淺飲。勸飲何所有。蕉袖舞長葉。

悅目何所有。扼腕笑素頰。妬幃了無禁。得得自姬妾。妾境一絮破。真樂從酒攝。真妄俱茫然。且作莊生答。

白茅顧氏種荔枝核成樹有感

人傳顧家園。近有閩荔枝。始聞漫疎企。果否兩莫裁。閩吳地殊懸。此物胡來哉。彼此氣各偏。炎寒亦難諧。淮南不宜橘。冀北不宜梅。物固產不通。性與土相乖。耳目自為仇。于懷日徘徊。問訊昨走奴。已遣仍慮詒。及返有所挾。么枝葉蓑蓑。葉次綴小蕾。含黃未成開。事固有變理。執常哂吳歎。兼能述所致。妄痊核偶茲。今本已拱把。森然暢條枝。去歲實垂成。墮落惜瑰玫。根氣恐未充。加培如保孩。紫苞已在眼。香甘早流腮。老夫喟有此。南氣其北來。先從草木見。造化有脞胎。厥初限荒服。難與玉食偕。漸虞道理近。有以滋味媒。置堠當未免。又見飛塵灰。碧梧蒼梧之軒有序

吾寢之前有屋甚虛明屋下有一梧栝並秀于庭因名之云

吾軒陋無取。賴有此嘉樹。梧栝各一植。當前鬱分布。正比雙國士。哀然在賓昨。我是軒主人。對越自朝暮。讀書接葉下。小酌亦可具。徘徊弄華月。涼影亂瑤璐。

疏繁來冷風。拂亞濕清露。始信昌黎公。喜為五楸賦。我初作軒時。自以偃息故。軒樹本無因。偶合亦有數。以樹名吾軒。以物表所遇。樹色如得意。我亦成其趣。枯古枝相樛。偃蹇抱貞固。梧身聳而拔。未可限尺度。遲彼鸞與鵠。引子來相附。時時掃蠹蟻。霜皮慮其蝨。但笑三千年。羽化我當去。我去空此軒。當為誰所住。軒亦空此樹。當為誰所顧。存亡俱冥冥。天地聊一寓。

紀姚給事歸葬

惟昔永樂初。皇帝治明堂。取材蒼梧野。在梗楠豫章。督以給事臣。若曰伯善行。叶公素侃察聞。百辟得激揚。譬如公輸子。材悉良不良。此行固天簡。公亦喜自當。握節指八桂。伐鼓官船揚。惟木彌萬山。計材不計章。昂霄及聳壑。乃適於棟梁。此處瘴癘地。氣候日不常。公病即不治。骨肉懸江東。叶無人事綏復。其魂悵彷徨。枯藤束木函。一殯六十霜。嗟嗟榛鶴輩。祖死而後生。叶但知彼有殯。不知在何方。坐輒向西南。行亦西南望。叶雖劇返葬心。日月何茫茫。無財亦無時。猶盲者無相。叶天寶使湯公。官廣得其詳。書報在全州。湘山寺之旁。如因曼父母。始知墓在防。二子讀書畢。哭踊如初喪。榛行不擇日。即日裹餼糧。鶴云兄

當住小弟力頗強。此櫬所不返。不復載見兄。叶出門當嚴冬。雨雪滿大荒。九溪多鼉鱷。鼓濤播舟航。五嶺饒虎豹。磨牙引饑吭。鶴行無恐怖。孝至膽氣剛。達彼全州境。入寺悲荒涼。宛然三門側。有垵記其藏。拜之號三遠。聞者痛肝腸。發函升輅車。奉還萬里鄉。白骨猶載肉。樂歸所自生。叶藹桑梓里。鬱鬱楸梧岡。得從先人兆。如齊返周葬。叶兄與元配合。孤雌成鴛鴦。劍適合延平。璧不滯咸陽。劍壁不自能。良藉人所將。嗚呼二子者。生死有耿光。嗚呼二子者。古義行于今。叶嗚呼二子者。頽俗亦可興。叶虞山若增高。琴川若增長。

咏費彥傑還釵事

淮安新城下。交易利所在。往來日萬人。財貨隘閭閻。道上或有遺。一錢尚爾愛。老叟費彥傑。早行足若礙。俯拾黃金釵。耀目口發喟。乃詰傍居人。經此何叔父。衆云未始見。見祇有輿載。恐是帷中脫。去此尚未邁。費追逾阡陌。氣喘力良憊。止輿問何失。曾莫有所忘。輿女驚其言。撫髮乃覺讀。拳帷出粉黛。便即就地拜。還釵寔疾走。更莫延少話。女却扣姓里。答云不足芥。無姓住亦遠。欲知將奚待。我亦弗汝詢。彼此付曖昧。此事常有聞。但慮斯言讐。偶與叟相接。詢之乃至再。

叟笑云雖有宜還無可怪嗚呼古人事喜見行今輩揆今實謂奇蜀日犬乃吠在叟似非難在衆則難逮義利寓人情要之得其裁吾詩為叟發庶亦存俗戒

薙草行

除草本難盡根子互生成請觀耨鋤後私得雨露情庭除日夕間衆綠復交盈蘭蕙皆滅迹蕭艾愜得朋中為蚊蚋居蛇蟒亦橫行濕積地道敏氣惡暑熱蒸陷足冒衣裾賔階苦趨迎每被客嘲誚愛物實沽名不察僮奴嬾亦奈易發生朝來奮一薙頓令心目清聊快頃暫閒未保終絕萌因以悟小人難去類相縈匪特去云難尚有怨誹并從茲謝庭草無心信衰榮

吳俗火葬

火葬壞吳俗沿愚罔知教體魄輕父母死即昇野燎何異炎人殍亦類儀渠燒古歛以週身致慮防臭暴復棺益之槨厚土事空燾區區人子敬鄭重寓私孝燕師慘掘焚齊人愾敵效子豈忍父母炮烙曾無覺曾侯憫其弊古訓不可弔闢園號滿澤鼓瘞周四壠士庶尚有言地局寧盡害其言聞之公擊節嘆且笑吳愚不聰明耳目塗泥淖譬諸黔婁衾不足我奚校我為名教惜植埴聊盲導

虐死苟無親。逆生馴亦要。勿謂一燬微。大惡由茲造。

閒居四時吟

白日可形指。青春幾迹尋。不應有開花。還復有鳴禽。何物哀颯翁。樂意亦充襟。浩然不能遏。登臨動謠吟。謠吟侑杯酌。花鳥同山林。一暢太和氣。載鼓康衢音。捫心自有會。求知非在今。

其二

赫暑薰永日。衆皆苦煩酷。林廬賴溪次。茅茨非厦屋。門前蔭重柳。簷後鬱深竹。無風氣蕭爽。汗濡免決肉。尚可加白葛。喜謝裸程俗。晝靜茶瓜餘。攤書教孫讀。既倦還偃息。夢寐亦清淑。

其三

秋涼我所愛。人情與時宜。因念康節言。還着康樂嬉。杖屨足濟勝。出門隨所之。舉睇達遐邇。山水陳高卑。洞庭吹白波。落木不可持。我特覽明鏡。因之悲素絲。素絲不復玄。物變感有時。亟欲學神仙。早憫氣血衰。羨彼南山色。青青無老期。

其四

春若風木號靡靡霜草白。弊褐氣不溫。坐擁簷間日。大兒輸租還。升斗告既畢。區區氓庶勤。萬一答帝力。簷陽厯飛晷。倏忽燈火夕。光下目尚見。展茲編年冊。其迹類歲功。乘除無紀極。非徒遣永漏。亦足知往昔。

送周文襄公乃孫廷器以畫像驗塑還吉水

土田亘江東。揆賦億兆計。其多由寸入。所在敢遺地。太祖太宗時。稽歛或未備。侍收信長屬。饗公飯私費。習久遂玩刑。忘身殉于利。逋迨八百萬。空牘勞記註。歲餉常不及。日究常不治。文襄應簡命。受濟受斯寄。公知法禦患。法疏患乃致。誨盜在慢藏。蠹駕在失御。盡斥宿漁手。令民必躬輸。升斗舉在公。庾儲復官泚。登積充舊典。罔耗有攸裕。所羨亦不訾。陳因年相次。戶庸及公需。凡百資其出于時民樂生。朝廷無顧慮。幹轉一時機。掃蕩滋深弊。如器之沾傾。援拯暇不遽。革茹謝苛猛。振盡匪斂聚。公薨五十年。遺政已莫據。後繼亦多賢。措設各有異。遡惠不可誣。于久乃有祀。廟貌欲追惟。歲月蔑者記。公姓携繪影。按之求肖似。外肖表未然。有愧六二比。才局負心胸。仁義具肝肺。智謂周聰明。力量發意氣。不然是非間。耳耳第三四。我喻操鎔工。斯得謂能事。工答毋深求。神般不